



Broj: 12/08-27-20471-5/16
Zenica, 29.03.2017.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14) i Zapisnika o pregledu i ocjeni ponuda, broj: 12/08-27-20471-4/16 od 27.03.2017. godine, u otvorenom postupku javne nabavke za radove broj: 1417-1-3-24-3-19/16 od 23.12.2016.godine (obavještenje o nabavci broj: S1-64-17 „Službeni glasnik BiH“, broj: 1/17 od 06.01.2017. godine), direktor Kantonalne direkcije za ceste Zeničko-dobojskog kantona, donosi:

O D L U K U

o izboru najpovoljnijeg ponuđača

I

U otvorenom postupku javne nabavke za radove redovnog i zimskog održavanja regionalnih cesta, broj: 1417-1-3-24-3-19/16 od 23.12.2016.godine, za LOT 1 - R 466 Zavidovići-Kamenica-Ponijeri ukupne dužine 30,6 km; R 467 Zavidovići-Ribnica ukupne dužine 30 km i R 469 Ribnica-Banovići (granica Kantona) ukupne dužine 3,8 km, ponuda grupe ponuđača „Heldovac“ d.o.o. Žepče i „Grakop“ d.o.o. Kiseljak (broj: 39-01/17 od 08.03.2017. godine) izabrana je kao najpovoljnija.

II

Grupa ponuđača „Heldovac“ d.o.o. Žepče (ID broj: 4218019410005), adresa Ljeskovica bb, Žepče i „Grakop“ d.o.o. Kiseljak (ID broj: 4236047100001), adresa Gromiljak bb, Kiseljak, dužna je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača.

Ugovorni organ će odbaciti ponudu grupe ponuđača u slučaju da izabrana grupa ponuđača propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će Okvirni sporazum sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obavješteni o izboru najpovoljnije ponude.

III

Odbacuje se ponuda ponuđača „Almy-transport“ d.o.o. Zenica, jer nije potpuna i ne ispunjava zahtjeve uspostavljene u tenderskoj dokumentaciji.

Obrazloženje

Postupak nabavke pokrenut je Odlukom broj: 12/08-27-20471/16 od 19.12.2016. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-24-3-19/16 objavljeno je na Portalu javnih nabavki 23.12.2016. godine.

Komisija za javne nabavke imenovana rješenjem broj: 12/08-27-20471-3/16 od 13.03.2017. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za LOT 1 pristigle su ukupno 4 (četiri) ponude.

Ponuda ponuđača „Almy-transport“ d.o.o. Zenica, se odbacuje jer je uvidom u obrazac za cijenu ponude ponuđača „Almy-transport“ d.o.o. Zenica, Komisija utvrdila da je isti izmjenjen i da se

razlikuje od obrasca koji je priložen uz tendersku dokumentaciju i to na način da na stranici 8. dostavljene ponude u dijelu koji se odnosi na tačku 6.1.b) nedostajaje propisana jedinica mjere, količina, jedinična cijena i vrijednost radova. Tačkom 15. 1. tenderske dokumentacije propisano je da ponuđač ne smije mijenjati ili nadopunjavati tekst tenderske dokumentacije, te obzirom da dostavljeni obrazac ne odgovara u cijelosti po formi i sadržaju obrascu iz priloga III tenderske dokumentacije, Komisija je zauzela stav da ponuda nije prihvatljiva.

Tačkom 12.7. b) tenderske dokumentacije, za dokazivanje tehničke i profesionalne sposobnosti dobavljača iz člana 51. ZJN, propisano je dostavljanje potvrde o građevinskim mašinama i tehničkoj opremi kojom raspolaže dobavljač za izvođenje radova i koji će biti angažovani na izvođenju predmetnih radova i to za tehničke objekte, mehanizaciju i opremu iz tačke 12.6.1.b) tenderske dokumentacije. U dostavljenoj potvrdi dobavljač između ostalog navodi da raspolaže sa tri kiper kamiona (minimalni zahtjev TD je 4 kiper kamiona) i jednim valjkom do 2t (minimalni zahtjev TD je 2 valjka do 2t), zbog čega nije dokazao da ispunjava uslove utvrđene u tački 12.6.1. b) tenderske dokumentacije.

Tačkom 12.6.1. c) propisani su uslovi u pogledu minimalno angažovanih kadrova neophodnih za redovno održavanje cesta i to sa obrazovnim i profesionalnim kvalifikacijama na način prikazan u tabeli „Kadrovska sposobnost“. Za navedeno ponuđač je u skladu sa tačkom 12.7. tenderske dokumentacije, dostavio Izjavu o angažovanom tehničkom osoblju sa traženim podacima, iz koje je utvrđeno da su tri lica ophodara stručne spreme „Vozač motornih vozila“ i „Tehničar drumskog saobraćaja“, a što ne odgovara uslovima iz tačke 12.6.1. c) tenderske dokumentacije, kojom je između ostalog propisano da lica ophodara moraju biti sa srednjom stručnom spremom građevinske struke IV stepen.

Tačkom 28.1. tenderske dokumentacije propisano je da su ponuđači dužni uz ponudu dostaviti Nacrt ugovora i okvirnog sporazuma u koji trebaju unijeti podatke iz svoje ponude, te parafirati sve listove Nacrta ugovora (Prilog VIII tenderske dokumentacije). Obzirom da ponuđač nije pravilno popunio Nacrt ugovora (u dostavljenom nacrtu unešeni podaci koji se odnose na vrijednost iz okvirnog sporazuma), niti je popunio tražene podatke u nacrt okvirnog sporazuma, ponuda se odbacuje u skladu sa tačkom 28.2. tenderske dokumentacije. Također, skrećemo pažnju da je u odgovoru na pitanje nakon preuzimanja tenderske dokumentacije od strane ponuđača, dato detaljno pojašnjenje u vezi sa popunjavanjem priloga koji se odnose na ugovor i okvirni sporazum.

Zbog naprijed navedenog ponuda ponuđača „Almy-transport“ d.o.o. Zenica, u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje se jer nije potpuna i ne ispunjava zahtjeve iz tenderske dokumentacije.

Dalje, u skladu sa tačkom 23. tenderske dokumentacije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

Rang lista	LOT 1 Ponuđač	Ukupna cijena ponude sa popustom bez PDV-a
1.	Heldovac d.o.o. Žepče/Grakop d.o.o. Kiseljak	1.928.559,55
2.	Jata-group d.o.o. Srebrenik	2.248.682,80
3.	MGV gradnja d.o.o. Zavidovići	3.563.335,50

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za grupu ponuđača „Heldovac“ d.o.o. Žepče i „Grakop“ d.o.o. Kiseljak. Ugovorni organ prihvatio je preporuku Komisije za javne nabavke da se najpovoljnijem ponuđaču dodijeli Okvirni sporazum za LOT 1 - Radovi redovnog i zimskog održavanja dionica regionalnih cesta R 466 Zavidovići-Kamenica-Ponijeri ukupne dužine 30,6 km; R 467 Zavidovići-Ribnica ukupne dužine 30 km i R 469 Ribnica-Banovići (granica Kantona) ukupne dužine 3,8 km, za period od četiri godine.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda

Pouka o pravnom lijeku:

Protiv ove Odluke može se izjaviti žalba Kantonalnoj direkciji za ceste Zeničko-dobojskog kantona u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Dostavljeno:

- 1 x Najpovoljniji ponuđač,
- 1 x Svim ponuđačima za LOT 1
- 1 x a/a

